



## Notat

Dato: 15.07.2016  
Arkivsak: 2014/15115-78  
Saksbehandlar: mattorg

---

Til: Fylkesutvalet

Frå: Samferdselsavdelinga

---

### Fylkeskommunale garantiar til Rogfast/Hordfast - Svar på spørsmål

#### Bakgrunn

I møteprotokollen etter fylkesutvalet sitt møte 23.06.16 er det under sak PS 187/16 framgår følgjande:

«**Tom Sverre Tomren (MDG)** hadde sendt inn slikt spørsmål:

«MDG har fått informasjon om at Rogfast/Hordfast vil kreve betydelige fylkeskommunale garantier. I denne forbindelse har vi følgende spørsmål til fylkesordføreren.

1. Stemmer det at realiseringen av Hordfast krever fylkeskommunale garantier- i så fall hvor mye?
2. Hvor mye har HFK gitt totalt av fylkeskommunale garantier.
3. I forbindelse med regionprosessen vil den nye regionen trolig få kumulert garantier fra to-tre fylker. Hvor mye fylkeskommunale garantier vil Rogfast/Hordfast innebære totalt sett for den nye regionen?
4. Har fylkeskommunale garantier vært drøftet og analysert i samtaler mellom de ulike fylkesordførerne eller i samtale mellom fylkesordføreren og departementet?»

Pål Kårbø (KrF) opplyste at svara på spørsmåla står i note 10 i fylkestingssak PS 31/16 «Årsrekneskapen for 2015 / Noter til årsrekneskapen». Saka vart behandla i fylkestinget 14. og 15. juni 2016. Fylkesrådmannen vil kome tilbake med skriftleg svar.»

#### Spørsmål 1

Fylkeskommunal garanti for bompengelån kan vere avgjerande for kva rente som blir oppnådd, og det er vanleg å gje fylkeskommunal garanti. Spørsmålet om fylkeskommunal garanti vert lagt fram til politisk handsaming.

Finansieringsplan for Hordfast ligg enno ikkje føre, slik at det pr i dag ikkje er mogleg å seie kva eit eventuelt garantiansvar for Hordfast kan bli.

#### Spørsmål 2

Hordaland fylkeskommune hadde ved årsskiftet 2015/16 slike garantiforpliktingar (Note 10 i årsrekneskapen 2015):

| Garanti gitt til                       | Garantibeløp      | Lånesaldo 2015   | Garantien går ut |
|--|-------------------|------------------|------------------|
| Stiftinga Hordamuseet                  | 173               | 51               | 2025             |
| Garantiar tilsette                     | 0                 | 0                |                  |
| Herav garanti for adm. sjefen          | 0                 | 0                |                  |
| Fastlandssamband Halsnøy as            | 188 810           | 188 810          | 2023             |
| Austevoll Bruselskap AS                | 230 000           | 130 000          | 2024             |
| Hardangerbrua AS                       | 1 750 000         | 1 600 000        | 2029             |
| Jondalstunnelen A/S                    | 125 000           | 58 600           | 2025             |
| Voss og omland bompengeselskap AS      | 780 000           | 710 000          | 2030             |
| Kvam bompengeselskap AS                | 370 000           | 281 000          | 2029             |
| Børmlø Vegselskap AS                   | 350 000           | 350 000          | 2026             |
| Bergen bompengeselskap AS              | 5 800 000         | 5 270 000        | 2027             |
| Askøy Bompengeselskap AS               | 1 100 000         |                  | 2030             |
| Bergen-Os Bompengeselskap as           | 3 500 000         | 150 000          | 2038             |
| <b>Totalt garantibeløp / lånesaldo</b> | <b>14 193 983</b> | <b>8 738 461</b> |                  |

**Spørsmål 3**

I samband med finansieringsplan for Rogfast gjorde fylkesutvalet i Rogaland fylkeskommune m.a. slikt vedtak 23. juni 2015: (Sak133/15).:

7. *Rogaland fylkeskommune stiller garanti ved selvskyldnerkausjon for et låneopptak på inntil 16 mrd. kr. som bompengeselskapet tar opp til finansieringen av E39 Rogfast. Garantiperioden går maksimalt fram til 25 år etter trafikkåpning, inklusive 20 års etterskuddsinnkreving og evt. 5 års forlengelse av bompengeperioden i tilfelle sviktende økonomi. Det er et vilkår at garantien blir sikret 1. prioritet til å kreve inn bompenger. Det tas forbehold om statlige myndigheters godkjenning av garantien.*
8. *Den fylkeskommunale garantien vil først komme til utbetaling dersom det ikke blir mulig å håndtere gjelden etter at realtakstene er økt med 20 pst. ut over prisstigning og bompengeperioden er forlenget med inntil 5 år.*

For Hordfast er det som nemnt ovenfor for tidleg å seie kva eit eventuelt garantiansvar kan bli.

**Spørsmål 4**

Oversyn over og vurdering av alle økonomiske forpliktingar, inklusiv garantiansvar, er ein del av det arbeidet som vert gjort i samband med regionreforma.

